

## Je ēsi...

Je ēsi par lauka, tris ruozus žėgnuota,  
Pro kūlius, apėjosios ruonuom šešouliū.  
Vuo puometės slėnksti mins žvilgis Aguotas  
Nebrasi rogpjūtė tèn piedū – prapoulė...

Ni avietiū smuoka. Tik lītus skleinīčiuo.  
Tik vies kondliuo debesi mūrėna – tošti  
Palongie ė dūšie... dā žvaizdie, kāp tīčiuoms  
Nukrėta i smėlgas. Ė gervė tēp bokšti

I sotemas veizas, i pėlnėjuos kousni,  
Ont debesėis skreita nezugrebnā padieta.  
Nu morglū sotėnusi pakelies glousni,  
Kol lietā sekundiem varėniem, tēp lietā

Iš dzieguoriaus vīzdė rasuo – vēiništė...  
Je ēsi per lauka tris ruozus žėgnuota,  
I rodėnėis kliebi (ne mona) gaidgīstie –  
Palaimins iš debesėis žvilgiu Aguota...

---

Je ēsi...